

Endurskoðaða reikninga deilda skal leggja fyrir aðalfund þeirra til samþykktar og síðan fyrir aðalfund í veiðifélaginu og úrskurðar fundurinn um þá.

**15. gr.**

Brot á samþykkt þessari varðar sektum samkvæmt lögum um lax- og silungsveiði.

Samþykkt þessi staðfestist samkvæmt lögum nr. 76 25. júní 1970, um lax- og silungsveiði, og birtist til eftirbreytni öllum þeim, sem hlut eiga að máli.

*Landbúnaðarráðuneytið, 30. janúar 1975.*

**Halldór E. Sigurðsson.**

*Ragnheiður Árnadóttir.*

**Viðauki:**

Jarðir í Veiðifélaginu Orri.

**Laxárdeild.**

Hjaltabakki, Húnsstaðir, Árholt, Holt, Laxholt, Röðull, Sauðanes, Laxabrekka, Mánafoss, Hurðarbak, Hurðarbak 2, Hamrakot, Blönduóshreppur, Skinnastaðir.

**Laxárvatnsdeild.**

Sauðanes, Röðull, Laxabrekka, Mánafoss, Hamrakot, Kaldakinn, Kaldakinn 2, Kaldakinn 3, Grænuhlíð, Smyrlaberg, Kagaðarhóll, Tindur, Orrastaðir.

**Svínavatnsdeild.**

Mosfell, Geithamrar, Grund, Syðri-Grund, Snæringsstaðir, Ljótshólar, Gafl, Hrafnabjörg, Rútsstaðir, Holt, Brúarvellir, Auðkúla I, Auðkúla II, Auðkúla III, Litlidalur, Stóridalur, Stekkjardalur, Svínavatn, Svínavatn II, Sólheimar, Litla-Búrfell, Stóra-Búrfell, Stóra-Búrfell II, Tindar, Auðkúluheiði, Sléttárdalur, Orrastaðir, Reykir.

Nr. 35.

22. janúar 1975.

**SAMÞYKKT**

**um hundahald í Hofsóshreppi.**

**1. gr.**

Hundahald er bannað í Hofsóshreppi.

**2. gr.**

Sveitarstjórn er heimilt að veita einstaklingum búsettum í hreppnum, undanþágu til hundahalds með eftirfarandi skilyrðum:

- a. Hundurinn skal skráður á skrifstofu hreppsins, og þar fær eigandi hundsins afhenta merkta plötu, sem jafnan skal vera í ól um háls hundsins.
- b. Árlega skal sveitarsjóði greitt leyfisgjald fyrir þá hunda, sem undanþága er veitt fyrir. Gjaldið sem sveitarstjórn ákveður fyrir eitt ár í senn, skal renna til þess að standa straum af kostnaði við eftirlit með hundum í hreppnum, og skal upphæð þess við það miðuð.

- c. Skytt er hundeigenda að hafa hund sinn ábyrgðartryggðan hjá viðurkenndu váttryggingarfélagi. Við greiðslu árlegs leyfisgjalds skal leggja fram kvittun frá tryggingafélaginu, sem sýni að tryggingin sé í fullu gildi.
- d. Hundurinn skal aldrei ganga laus á almannafæri, heldur vera í taumi í fylgd með aðila, sem hefur fullt vald yfir honum. Eigi er leyfilegt að fara með hunda inn í sjúkra- og skólahús, matvöruverslanir eða staði, þar sem matvæli eru um hönd höfð.
- e. Leyfi fyrir einstökum hundum er jafnan háð því, að þeir raski ekki ró íbúa hreppsins og séu hvorki þeim né öðrum, sem um hreppinn fara, til óþæginda.
- f. Hundeiganda ber að hlíta að öðru leyti lögum og reglum, er hundahald varða (þ. á m. reglum um árlega hreinsun hunda og greiðslu hundaskatts), svo og fyrir mælum, sem heilbrigðisnefnd setur.
- g. Skráðum bændum skal heimilt að halda hunda án gjalds og einnig er leyfilegt að skrá viðurkennda veiðihunda án gjalds.

Við brot á skilyrðum fyrir undanþágu til hundahalds skal fjarlægja viðkomandi hund. Skal hundinum komið fyrir, sé um að ræða minni háttar brot í fyrsta skipti. Eigandi hundsins yrði þá að leysa hann þaðan út gegn greiðslu alls kostnaðar vegna brotsins. Sé um að ræða alvarlegt brot eða ítrekuð brot, afturkallast viðkomandi undanþága til hundahalds. Sveitarstjórn er heimilt hvenær sem er að afturkalla leyfi fyrir einstökum hundum eða öll leyfi, telji hún þess þörf.

### 3. gr.

Reglugerð þessi, sem samín er og samþykkt af hreppsnefnd Hofsóshrepps, staðfestist hér með samkvæmt lögum nr. 12/1969 um hollustuhætti og heilbrigðis-  
eftirlit, til þess að öðlast gildi þegar í stað.

*Heilbrigðis- og tryggingamálaráðuneytið, 22. janúar 1975.*

F. h. r.

Jón Ingimarsson.

*Dórunn Klemenzdóttir.*

## SAMÞYKKT

fyrir Veiðifélag Stóra-Langadalsár og Setbergsár.

### 1. gr.

Félagið heitir Veiðifélag Stóra-Langadalsár og Setbergsár.  
Heimili þess og varnarþing er í Skógarstrandarhreppi í Snæfellsnessýslu.

### 2. gr.

Félagið nær til allra jarða, sem land eiga að Stóra-Langadalsá og Setbergsá en þær eru: Narfeyri, Ytra-Leiti, Stóri-Langidalur, Klettakot, Haukabrekka, Klungurbrekka, Litli-Langidalur ytri, Litli-Langidalur fremri, Setberg og Ós.

### 3. gr.

Verkefni félagsins er að viðhalda góðri fiskigengd á félagssvæðinu, og að leigja það til stangveiða.

Félagið tekur til allrar veiði á félagssvæðinu.